



«БОЛАШАҚ ОЙЫНДАРЫ – 2026»: АСТАНА ӘЛЕМ НАЗАРЫНДА

ЕЛОРДАДА ӘЛЕМДЕГІ ЕҢ ІРІ ХАЛЫҚАРАЛЫҚ СПОРТТЫҚ ЖОБАЛАРДЫҢ БІРІ – «БОЛАШАҚ ОЙЫНДАРЫ – 2026» РЕСМИ ТҮРДЕ БАС ТАЛДЫ. БҰЛ – ДӘСТҮРЛІ СПОРТ ПЕН ЦИФРЛЫҚ ТЕХНОЛОГИЯНЫ ҰШТАСТЫРАТЫН ФИДЖИТАЛ БАҒЫТЫНДАҒЫ ХАЛЫҚАРАЛЫҚ ТУРНИР. БИЫЛҒЫ ЖАРЫСТЫҢ ҚАЗАҚСТАНДА ӨТУІ ЕЛІМІЗДІҢ СПОРТТЫҚ ӨРІ ТЕХНОЛОГИЯЛЫҚ ӨЛЕУЕТІН ӘЛЕМГЕ ТАНЫТАТЫН МАҢЫЗДЫ ОҚИҒАҒА АЙНАЛЫП ОТЫР.



Турнирдің ашылу салтанатына Мемлекет басшысы Қасым-Жомарт Тоқаев қатысты. Сондай-ақ шараға Өзбекстан президенті Шавкат Мирзиёев, Қырғызстан президенті Садыр Жапаров және Тәжікстан президенті Эмомали Рахмон келді. Бұл ойындардың халықаралық деңгейдегі беделі мен маңызын тағы бір мәрте айқындады.

Салтанатты рәсімде сөз сөйлеген Президент Қасым-Жомарт Тоқаев «Болашақ ойындары» спорт пен интеллектіні, шынайы және виртуалды әлемді тоғыстыратын ерекше жоба екенін атап өтті.

– Бүгін елордамызда ерекше іс-шара өтіп жатыр. Бұл – спорт пен интеллектінің үйлесімі, күш-қайрат пен зияткерлік әлеуеттің бәсекесі. Олар бір-біріне қарама-қайшы емес, керісінше өзара толықтырып тұратын ұғымдар. Осы жарыстың философиялық мәні де осында, – деді Мемлекет басшысы.

Президенттің айтуынша, қазіргі әлемде цифрлық технологиялар адам

қауымдастықпен бірге бейбітшілікті, қауіпсіздікті, әділеттілік пен дамуды қолдай береді. «Болашақ ойындары» спорттың, ақыл-ойдың және цифрлық дәуірдің мүмкіндіктерін біріктіріп, баршамызға ортақ жасампаздық идеяларын дәріптейді, – деді Президент.

Мемлекет басшысы әсіресе жастарға үлкен үміт артатынын жеткізді.

– Бүгін осы аренаға негізінен жастар жиналып отыр. Білімді, еңбекқор әрі талапты жастар ғана болашақты қалыптастырады. Сіздерді алда үлкен мүмкіндіктер күтіп тұр. Сол жолда бірлік пен ынтымақ ерқашан табысқа жеткізеді, – деді ол.

Президенттің айтуынша, үлкен спорт қай кезде де халықтарды жақындастыратын маңызды құрал болып келеді. Сондықтан қазіргі әлемдегі түрлі сын-қатерлер жағдайында осындай халықаралық жобалардың маңызы арта түседі.

– «Болашақ ойындары» елдеріміз арасындағы достықтың, ынтымақтастықтың және өзара түсіністіктің алтын

Ашылу рәсімі концерттік бағдарламамен жалғасып, қазақстандық әншілер Yenlik, Alpha, Nazar, Ademi және Astra тобы өнер көрсетті.

«Болашақ ойындары – 2026» 29 шілде мен 9 тамыз аралығында өтеді. Жарысқа 34 мемлекеттен 800-ден астам спортшы қатысады. Олар 20-дан астам бағыт бойынша бақ сынамақ. Оның ішінде фиджитал футбол, баскетбол, хоккей, жекпе-жек, бокс, би спорты, дрон жарысы, Battle Royale, MOBA, Battle Bots және басқа да жаңа форматтағы жарыстар бар.

Турнир елорданың бірнеше ірі спорт кешенінде ұйымдастырылады. Атап айтқанда, «Барыс Арена», «Beeline Arena» ұлттық теннис орталығы, Qazaqstan жеңіл атлетика кешені және Жақсылық Үшкөмпіров атындағы жекпе-жек сарайы негізгі жарыс алаңдары болады.

Биылғы турнирдің жалпы жүлде қоры 4,65 миллион АҚШ долларынан асады. Бұдан бөлек, жарыс күндері жанкүйерлер үшін түрлі шоу-бағдарламалар, мәдени іс-шаралар мен интерактивті алаңдар ұйымдастырылады.



өмірінің барлық саласына еніп келеді. Сондықтан спорт та заман талабына сай өзгеріп, жаңа бағыттарға жол ашып отыр. «Болашақ ойындары» – дәл осы өзгерістердің нақты көрінісі.

Қасым-Жомарт Тоқаев бұл турнирдің басты мақсаты тек спорттық жарыс өткізу емес екенін айтты. Оның пікірінше, мұндай халықаралық жобалар түрлі мемлекеттердің жастарын жақындастырып, халықтар арасындағы достық пен өзара сенімді нығайтады.

– Қазақстан қашанда халықаралық

көпіріне айналады деп сенемін, – деді Мемлекет басшысы.

Phygital International ұйымының бас атқарушы директоры Дэниел Меркли де Қазақстанның бұл турнирді жоғары деңгейде өткізуге толық дайын екенін айтты. Оның пікірінше, Астана бүгінде инновациялар мен фиджитал спорттың маңызды орталықтарының біріне айналып келеді.

Салтанатты кеш барысында турнирдің символдық кейіпкерлері – I-Bot, Alem, Ar-Lan және I-Lin таныстырылды.

Осылайша, «Болашақ ойындары – 2026» тек халықаралық спорттық дода ғана емес, цифрлық технологиялар мен дәстүрлі спортты ұштастыратын жаңа дәуірдің символына айналып отыр. Қазақстан үшін мұндай ауқымды жарысты қабылдау елдің халықаралық беделін арттырып, жастар арасында инновациялық спорт түрлерін дамытуға жол ашады.

«МАҢҒЫСТАУ» АҚПАРАТ

МАҢҒЫСТАУДАҒЫ ТҰРҒЫН ҮЙ НАРЫҒЫ

БАСПАНА – ӨР ОТБАСЫНЫҢ ЕҢ ҮЛКЕН АРМАНЫ ӨРІ ЕҢ ҚОМАҚТЫ ИНВЕСТИЦИЯСЫ. СОҢҒЫ ЖЫЛДАРЫ ТҰРҒЫН ҮЙ БАҒАСЫНЫҢ КҮРТ ӨСУІ, ИПОТЕКАЛЫҚ БАҒДАРЛАМАЛАРДЫҢ ӨЗГЕРУІ МЕН ҚҰРЫЛЫС ШЫҒЫНДАРЫНЫҢ АРТУЫ БАСПАНА НАРЫҒЫНА ЕЛЕУЛІ ЫҚПАЛ ЕТТІ. БҮГІНДЕ АҚТАУДА ПӨТЕР БАҒАСЫ ҚЫМБАТ ПА, ӨЛДЕ ӨЗГЕ ӨҢІРЛЕРМЕН САЛЫСТЫРҒАНДА ҚОЛЖЕТІМДІ МЕ? ҚАЗІР ҮЙ САТЫП АЛҒАН ТИІМДІ МЕ, ӨЛДЕ КҮТЕ ТҰРҒАН ЖӨН БЕ? ҚАРА СЫЛАҚТАҒЫ ПӨТЕРДІ ТАҢДАУ ҰТЫМДЫ МА, ӨЛДЕ ДАЙЫН ЖӨНДЕУІ БАР БАСПАНАНЫ АЛҒАН ДҰРЫС ПА? БҰЛ САУАЛДАРҒА КӨП ЖЫЛДАН БЕРІ ТҰРҒЫН ҮЙ НАРЫҒЫНДА ЖҰМЫС ІСТЕП ЖҮРГЕН ТӘЖІРИБЕЛІ РИЭЛТОРЛАР ЖАУАП БЕРЕДІ.


А рнайы сараптамада Ақтаудағы тұрғын үй бағасының қазіргі ахуалы, нарықтағы сұраныс пен ұсыныс, пәтер саудасының қарқыны, мемлекеттік ипотекалық бағдарламалардың мүмкіндіктері жан-жақты сараланады. Сонымен қатар мамандар алғашқы баспанасын алуды жоспарлаған жастарға нақты кеңестер беріп, қаржылық жоспарлаудың маңызына тоқталады. Маңғыстаудағы тұрғын үй нарығының бүгінгі беталысы туралы мақаланы 3-беттен оқи аласыз.



» 3

СУ ҚАТЕЛІКТІ КЕШІРМЕЙДІ

ЖАЗ БАСТАЛҒАЛЫ МАҢҒЫСТАУДА СУҒА БАЙЛАНЫСТЫ ҚАЙҒЫЛЫ ОҚИҒАЛАР КӨБЕЙІП, ОНДАҒАН АДАМ АЖАЛ ҚҰШТЫ. ҚҰТҚАРУШЫЛАРДЫҢ КҮНДЕЛІКТІ ЕСКЕРТУІНЕ ҚАРАМАСТАН, ТҰРҒЫНДАР ТЫЙЫМ САЛЫНҒАН ЖЕРЛЕРДЕ ШОМЫЛЫП, ҚАУІПСІЗДІК ТАЛАПТАРЫН ЕЛЕМЕЙ КЕЛЕДІ. МАҚАЛАДА ТЕҢІЗ ЖАҒАСЫНДА ТӨРТ ЖАСАР ҚЫЗЫНАН КӨЗ ЖАЗЫП ҚАЛҒАН АНАНЫҢ ОҚИҒАСЫ, ҚҰТҚАРУШЫЛАР ЖҰМЫСЫНА ҚАТЫСТЫ АЙТЫЛҒАН СЫН-ПІКІРЛЕР, СОНДАЙ-АҚ ТӨТЕНШЕ ЖАҒДАЙЛАР ҚЫЗМЕТІНІҢ НАҚТЫ МҮМКІНДІКТЕРІ МЕН ШЕКТЕУЛЕРІ КЕҢІНЕН СӨЗ БОЛАДЫ. КАСПИЙ ЖАҒАЛАУЫНДАҒЫ ҚАУІПСІЗДІК ҚАЛАЙ ҚАМТАМАСЫЗ ЕТІЛЕДІ, ЕҢ ҚАУІПТІ ЖАҒАЖАЙЛАР ҚАЙСЫ? ҚАЙҒЫЛЫ ЖАҒДАЙЛАРДЫҢ АЛДЫН АЛУ ҮШІН НЕ ІСТЕУ КЕРЕК? ТЕҢІЗ ЖАҒАСЫНДАҒЫ ҚАУІПСІЗДІК МӘСЕЛЕСІН КӨТЕРГЕН ТІЛШІНІҢ ЗЕРТТЕУІН ОҚЫҢЫЗ.



» 7